

ԵՐԵՄԻԱ ԵՊՍ. ԵՒԴՈԿԻԱՅԻ.—Մբ. կը վախճանի 1835ին :  
 ԵՐԵՄԻԱ ԵՊՍ. ՄԱՐԳԱՐԵԱՆ, ԵՐԵՒԱՆՅԻ.—Մբ. Ս. էջմիածնի. ուխտաւորութեամբ կ'այցելէ Ս. Յակոբի վանքը 1728-1735 եւ վերադարձին հանդիպելով Պոլիս, Զմիւռնիա և Մանիսա, կ'ուղևորի Ս. էջմիածին : Մանիսայի Ս. եկեղեցիին մատենադարանին մէջ գտնուած ձեռագիր Գանձարանին մէջ 1835 ին կը գրէ հետեւեալ յիշատակարանը. «Թվ. ՌՃՁԴ (= 1735) յուլիսի Է. ունն ես Երեւանցի Մարգարի որդի Երեմիայ Պարոնտէրս եկի Ս. Երուսաղիմայ Մանասեայ. գնացի Ս. էջմիածին» : (Արմաշ. Ցուց. Թ. 217, էջ 552) :

ԵՐԵՄԻԱ ԵՊՍ. ՏԷՐ ՍԱՀԱԿԵԱՆ, ԽԱՐԲԵՐԴՅԻ (Բէսիբրիկ գիւղացի).—Մբ. Ծ. 1824ին, աւազանի անունը Ղազարոս. Զո. 1857ին. Նւ. Ռուսաստանի և Պարսկաստանի (1866-69). ՏՅՊ. 1870 ին. կը ձեռնադրուի եպոս. 1872 ին. Պատրիարքական Տեղապահ (1885-89). արքեպոս. 1889 ին. 1892 ի կթղ. ի ընտրութեան քառասուն ընտրելիներէն էր Երեմիա : Կը վախճանի 1900ին Երուսաղէմի մէջ. յիշատակ կը թողու չորս մթերանոցներ ի նպաստ Ս. Յակոբի վանքին :

ԵՐԵՄԻԱ ԵՐԷՅ.— Ղալաթիոյ Ազգ. Մատենադարանի, Թ. 92, Գրիգոր Նիսացի Այլն. ձեռագիրն՝ որ 1674ին գրուած է Թոգատցի Սուքիաս վրդ. ին համար Ս. Յակոբի վանքին մէջ Երեմիա երէցի մը ձեռքով, ունի հետեւեալ յիշատակարանը. «Նաեւ զստացող գրոցս զՍուքիաս ամ. արքան վարդապետն եւ զծնողսն իւր յիշեսլիք ի Տէր, որ ետ գրել զսուրբ գիրքս ի սուրբ քաղաքն Երուսաղէմ. Թվ. հայոց ՌՃԻԳ (= 1674), ձեռամբ սոսկ եւ անպիտան յոգնամեղ Երեմիա երիցիս յիշատակ յաւիտենական, զի եւ դուք յիշեալ լինիք ի Քրիստոսէ Աստուծոյ մերմէ.» (Կիւղ. Ցուց. Կ. պ. անտիպ) : Բաց աստի 1671ին Ս. Յակոբի մէջ ընդօրինակած է (ՄՁ. Թ. 623) ձեռագիրը յիշեալ Սուքիասին համար : (Մապ. Ցուց. տետր Ը) :

ԵՐԵՄԻԱ (ՏԻՐԱՅՈՒ) ԷՐԶՐՈՒՄՅԻ.— 1737ին ուխտաւորութեամբ կ'այցելէ Ս. Յակոբի վանքը, և ուխտէն առաջ, Հալէպի Զըխըրի խանին մէջ գտնուող ճաշոցին մէջ կը գրէ հետեւեալ յիշատակարանը. « Ավ. ես յԱրզրուցի խօճայ յԱստատուրի որդի, որ յիւելի անունն լայճոյ ասեն և տիրացու Երեմեաս եկի